



Vischnaunca da Rueun

Reglament da fatschentas

1. DETERMINAZIUNS GENERALAS

Art. 1

Cumpetenzas

Las cumpetenzas dils organs communalis sedrezzan tenor las concernentas determinaziuns dalla constituziun communal.

Art. 2

Egualitad dallas schlatteinas

Las indicaziuns davart persunas, funcziuns e professiuns el reglament da fatschentas serefereschon ad omisduas schlatteinas, aschilunsch ch'ei resulta buca enzatgei auter ord il senn dil reglament da fatschentas.

A. SESIDAS DILS ORGANS COMMUNALS

Art. 3

Partizipaziun

Mintga commember ei obligaus da prender part allas sesidas dil organ communal al qual el appartegn.

Art. 4

Recusaziun

Eventualas damondas da recusaziun el senn d'artechel 18 dalla constituziun communal vegnan decididas avon ch'entscheiver cun la ponderaziun dalla respectiva fatschenta ni elecziun. Quei ha da succeder en absenza dils cumpegliai senza risguard dil diember ch'ei pertucca.

Art. 5

Votar

Mintga commember ei obligaus da dar giu sia vusch.

Art. 6

Exclusiun Las sesidas diils organs communalns ein buca publicas.

B. VOTAZIUNS

Art. 7

En general La votaziun sur da fatschentas dalla radunonza communalna succeda cun maun pli, aschilunsch ch'ei vegn buca concludiu da far ella en scret.
Il medem vala era per sesidas diils organs communalns.

Art. 8

Absolut pli Valeivel ei, aschilunsch ch'ei vegn buca stipulau expressivamein enzatgei auter, igl absolut pli; numnadamein il proxim diember entir che survarga la mesadad dallas vuschs valeivlas dadas giu.

Art. 9

Egualidad Il president vota era e dat tier egualidad dallas vuschs la decisiun senza risguardar sia vusch gia dumbrada.

C. Elecziuns

Art.10

En general Las elecziuns succedan en scret (tenor art. 36 dalla constituziun), aschilunsch ch'ei vegn buca expressivamein concludiu enzatgei auter.
Egl emprem e secund scrutini decida igl absolut pli, el tierz il relativ pli dallas vuschs valeivlas dadas giu.

Art. 11

Sort Tier egualidad dallas vuschs decida la sort l'elecziun.

Art. 12

Absolut pli Per igl absolut pli vala la determinaziun digl artechel 8 cheu sura.

D. VALEIVLADAD DILS CEDELS DA VOTAR

Art. 13

En general

Cedels da votar vits ein nunvaleivels.
Cedels da votar buca emplen ora a maun, che cuntegnan remarcas offendentas, nunlegibels ni che cuntegnan buca ina manifestaziun clara dalla voluntad ein nunvaleivels.

Art. 14

Elecziuns

Cedels da votar tier elecziuns cumplessivas che cuntegnan pli paucs numms che persunas ch'ein d'eleger ein valeivels. Medemamein ein valeivels ils cedels da votar che cuntegnan pli bia numms che persunas ch'ein d'eleger, denton vegnan ils davos numms da memia strihai. Il strihar succeda da giudem ensi e da dretg a seniester.
Ina vusch, dada ad ina persuna buc'elegibla, dada ad ina persuna che figurescha gia sil cedel (cumulaziun) ni che lai dubitar per tgi ella duei valer, ein nunvaleivla. Il num partenent vegn strihaus. Cedels cun "ils vegls" ni expressiuns semeliontas ein nunvaleivels.

Art. 15

Publicaziun

Las elecziuns fatgas d'organs communal ein da dar enconuschent publicamein.

E. PROTOCOL

Art. 16

En general

Sur dallas radunonzas communalas e dallas sesidas dils organs communal ei da menar protocol. Il protocol dalla radunonza communal e dallas sesidas dalla suprastonza communal meina il canzlist communal tenor artechel 57 dalla constituziun communal.
La cumissiun da quen, il cussegl da scola e cumissiuns specialas numnan sezzas lur protocolist.

Art. 17

Cuntegn

Il protocol ha da cuntener:

- a) Ina cuorta resumaziun dalla ponderaziun.
- b) Plaid per plaid las propostas sur dallas qualas ei vegn votau.
- c) Il diember dallas vuschs che seresultan tier votaziuns ed elecziuns.
- d) Plaid per plaid tuts conclus.

Ina resumaziun dil protocol cun ils resultats dallas elecziuns e votaziuns ei da preleger en ina radunonza ni sesida sequenta per approbaziun ed ei silsuentar da signar dil president communal e digl actuar (canzlist communal). Dils protocols dalla radunonza communal sa vegnir priu investa sin canzlia communal.

2. DETERMINAZIUNS SPECIALAS

A. LA RADUNONZA COMMUNALA

Art. 18

Convocaziun

La radunonza communal vegn convocada dil president communal ni sin fundament da conclus da suprastonza ni sin garegiar da silmeins 30 votants. La davosa numnada pretensiun sto vegnir fatga en scret cun allegar ils motivs.

Art. 19

Acts

Il quen annual, il preventiv, projects da leschas sco era autras fatschentas impurtontas ein da surdar als votants silmeins siat dis avon la radunonza communal. En autras fatschentas sa il president communal surdar orientaziuns en scret als votants ni tener quellas sin canzlia communal a disposiziun per schar prender investa.

Art. 20

Discussiun

Il president dat tier mintga tractanda in'orientaziun generala ed arva silsuentar la discussiun sur da quella fatschenta. En la discussiun vegn dau il plaid ella successiun sco el ei vegnius dumandaus.

Art. 21

Propostas da procedura

Propostas sur dalla procedura ein da decider cun maun pli igl empren. Entochen che quellas ein buca decididas, astga buca vegnir discussiunau sur d'autras fatschentas.

Art. 22

Cuoz

Il cuoz dils singuls votums sa vegnir limitaust tras conclus dalla radunonza communal.

Art. 23

Fin dalla discussiun Vegn ei proponiu fin dalla discussiun, ha ei da vegnir votau sur da quella proposta da procedura e quei senza discussiun surlunder. Dat la radunonza communal suatientscha a quella proposta, obtegnan mo aunc ils vischins annunziai il plaid.

Art. 24

Votaziun Ei la discussiun a fin, suonda la votaziun. Avon la votaziun dat il president dalla radunonza enconuschent il text dallas propostas e declara il modus dalla votaziun. Objecziuns encunter concernent modus vegnan liquidadas immediat.

Art. 25

Petiziun d'iniziativa Exista ina cunterproposta vegn primarmein decidiu denter quella ed la damonda dalla iniziativa. Aschigleiti che quella decisiun ei dada, decida la radunonza communal definitivamein sur dall'approbaziun ni disapprobaziun dalla proposta che ha dominau ell'emprema votaziun.

Art. 26

Elecziuns L'elecziun dalla suprastanza communal vegn fatga ella suandonta successiun:

- a) President communal
- b) 4 commembers da suprastanza

Ils commembers da suprastanza decidan denter els, qual departement ch'els sorprendan. Plinavon surpren in dils commembers il vicepresidi.

Art. 27

Moziun Moziuns tenor artechel 21 dalla constituiun communal san vegnir instanzias en scret ni a bucca mo d'in vischin singul ni comunablamein cun auters votants. Al moziunari ni ad in consuttascret dalla moziun ei da dar caschun da motivar ella. Suenter la motivaziun dalla moziun arva il president la discussiun.

Art. 28

Cuntegn La moziun, sco era in'iniziativa ei senn d'artechel 20 dalla constituiun communal ei ina proposta per sesezza, la quala consista en ina petiziun generala per la revisiun totala ni revisiun parziala dalla constituiun communal, ni per in relasch, per ina midada ni sligiazion d'in regulativ communal ni d'in conclus dalla radunonza communal.

Art. 29

Decisiun Suenter la discussiun decida la radunonza communal schebein la moziun ei relevanta.

Art. 30

Moziuns, propostas
sclariments En la radunonza communal sa mintga votant(a) far ina moziun tenor artechel 21 dalla constituziun communal, far propostas tier las fatschentas che stattan en tractaziun, far propostas tier elecziuns sco era dumandar sclariment sur dalla situaziun e liquidaziun d'ina fatschenta che ha buca d'esser tschelada.

Art. 31

Disciplina Il president procura per ruaus ed uorden duront la radunonza communal.
Tier malsedepurtar ni expectoraziuns violontas sa il president admonir ad uorden ni retrer ii dretg da plidar.
La suprastonza communal sa decretar concernents castitgs tochen tier la summa da frs. 100.--.

Art. 32

Cumissiuns
specialas Elegia la radunonza communal ina cumissiun speciala per ponderar ina fatschenta, presenta la suprastonza communal quei mument ina circumscripziun dall'incumbensa.

Art. 33

Convocaziun e
presidi Il president dalla cumissiun concernenta convochescha las sesidas dalla cumissiun e presidiescha talas.

Art. 34

Investa els
acts Las cumissiuns ein cumpetentas da prender investa da tuts acts che serefereschon a lur incumbensa.
Suenter haver seconferiu cul president communal san las cumissiuns dumandar sclariment ils singuls suprastonts ed envidar els a lur sesidas.

Art. 35

Rapport Alla fin da sia lavur ha la cumissiun d'orientar il president communal e dar rapport alla radunonza communal.

Art. 36

Protocol

Sur dalla tractaziun ha la cumissiun da menar protocol.

B. LA SUPRSTONZA COMMUNALA

Art. 37

Convocaziun

La suprastonza communal vegn convocada dil president communal tenor basegns ni sin garegiar da silmeins dus commembers.

Art. 38

Repartiziun dils departements

La suprastonza destina mintgamai cun l'entschatta da sia perioda d'uffeci il vicepresident sco era ils caus dils singuls departements. Commembers da suprastonza ch'eiin gia en uffeci possedan enviers novs suprastonts il predretg tier la repartiziun dils departements. Vinavon vegn la substituziun vicendeivla da scadin departement fixada.

Art. 39

Normar las cumpetenzas

Tier fatschentas che pertuccan plirs departements, decida la suprastonza, da qual departement la caussa duei vegnir preparada.

Art. 40

Tractaziun dallas fatschentas

Il cau dil departement examinescha e dat siu pareri sur dallas fatschentas che crodan a siu departement per mauns dalla suprastonza communal. Fatschentas impurtontas prepara el en stretga collaboraziun cul president communal; al president communal per mauns dalla suprastonza communal rapporta el era sur da schabetgs extraordinaris che pertuccan siu departement. La decisiun finala dat la suprastonza sco organ communal.

Art. 41

Discussiun, propostas

Ils artechels 20, 21 e 24 vidavon valan era cheu tenor senn. Mintga commember sa far propostas per las tractandas e per las elecziuns.

Art. 42

Preventiv
e quen annual

Il preventiv e la proposta per l'altezia dil pei da taglia per igl onn proxim presenta la suprastonza communal alla radunonza communal mintgamai el meins december. Il rapport sur dalla administraziun ed il quen annual digl onn precedent presenta la suprastonza alla radunonza communal mintgamai sin la fin dil meins matg.

Art. 43

Fatgs penals

En fatgs penals ei da dar caschun agl inculpau da segiustificar en scret ni a bucca. Puniziuns ein da comunicar en scret cun motivar cuortamein ed indicar ils mieds legals dalla via da dretg.

Art. 44

Part castitg

La suprastonza communal sa dar ina part dil castitg al tgisader, aschilunsch che la tgisa ei buca vegnida fatga d'uffeci anora.

Art. 45

Departements

L'administraziun communal vegn partida els suandonts departements:

- a) Presidi.
- b) Forestalesser ed agricultura.
- c) Fatgs da baghegiar.
- d) Stradalesser ed aquaduct.
- e) Scolalesser e provediment social.

Art. 46

Presidi

Il president communal representa anovians la suprastonza communal. El ha quitau che las fatschentas vegnien surdadas a temps a mintga departement e ch'ellas vegnien tractadas ad uras. Il president communal ha ulteriuramein da surveglar l'entira administraziun communal sco era ils ulteriurs departements e liquidar ils fatgs surdai ad el tenor costituziun e lescha.

En special ha il president communal da:

- a) Convocar e presidar la radunonza communal.
- b) Convocar e presidar la suprastonza communal.
- c) Liquidar la corrispondenza.
- d) Haver quitau per l'execuziun dallas ordinaziuns dalla legislaziun federala, cantunala e communal sco era dils conclus dalla radunonza communal e dalla suprastonza, aschilunsch ch'igl ei buca surdau ad in singul departement.
- e) Relaschar disposiziuns provisoricas en cass urgents.
- f) Representar la vischnaunca sco delegau tier la Corporaziun

da vischnauncas Surselva, en l'union dil spital regional, en la cumissiun dil revier forestal Rueun e contuorn e sco delegau dil cudisch funsil Glion e contuorn.

Il pesident communal ha da far propostas e stimulaziuns per novaziuns che schain en interess dalla vischnaunca.

Art. 47

Forestalesser ed
agricultura

Il departement dil forestalesser e d'agricultura ha las suandontas incumbensas:

- a) D'administrar igl entir forestalesser a norma digl uorden forestal.
- b) Representar la vischnaunca sco delegau ella cumissiun dil revier forestal Rueun e contuorn.
- c) Survigilar las alps e las pastiras.
- d) Haver quitaù diis baghets d'alp.
- e) Haver quitaù dalla terminaziun.
- f) Survigilar ils plazs occupai, deponias e parcadis.

Art. 48

Fatg da baghegiar

Il departement per ils fatgs da baghegiar ha las suandontas incumbensas:

- a) Haver quitaù da tut ils fatgs sil sectur da baghegiar.
- b) Presidiar la cumissiun da baghegiar.
- c) Representar la suprastanza en la cumissiun da meglieraziun.
- d) Representar la suprastanza en la cumissiun da planisaziun.
- e) Coordinar ils fatgs dalla polizia da fiug.
- f) Survigilar la cumpart da vischnaunca dalla casa Cadruvi nr. 33.

Art. 49

Stradalesses ed
aquaduct

Il departement dil stradalesses ed aquaduct ha las suandontas incumbensas:

- a) Haver quitaù da tuttas vias, sendas e punts.
- b) Haver quitaù diis uals, dutgs ed uors.
- c) Survigilar il luvrer ed il luvratori communal.
- d) Survigilar ils deposits da rumians.
- e) Survigilar igl uorden da satrar ed il santeri.
- f) Survigilar igl aquaduct sco era ils conducts da canalisaziun.
- g) Survigilar il corp da pumpiers.
- h) Representar la vischnaunca sco delegau en l'Associazion per serenar l'aua piarsa ASA Sablun.
- i) Survigilar tuts indrezs da temps liber.

Art. 50

Scolaesser e
provediment social

Il departement dil scolaesser e provediment social ha las suandontas incumbensas:

- a) Survigilar ils fatgs da scola.
- b) Survigilar tuts baghetgs da scola e manteniment dils locals cun igl inventari.
- c) Presidiar il cussegl da scola.
- d) Funcziunar sco commember el cussegl scola dalla Corporaziun da scola Rueun e contuorn.
- e) Survigilar ii provediment social.
- f) Survigilar ils fatgs da polizia.
- g) Haver quitaun dall'execuziun digl uorden d'ustria.
- h) Survigilar ils fatgs da schurmetg civil ed igl uorden da Spitex.
- i) Coordinaziun denter las uniuns e societads dalla vischnaunca.

Singulas incumbensas dils caus tenor artechel 47 - 50 sa la suprastanza communal surdar sin giavisch ni damonda ad in auter departement.

Art. 51

Surdada d'uffeci

Tier mintga midada d'uffeci ha il president communal da procurar la surdada.

C. LA CUMISSIUN DA QUEN E GESTIUN

Art. 52

Convocaziun e
presidi

La cumissiun da quen e gestiun vegn convocada e presidiada da siu president. Sin giavisch d'in commember ha ella da vegnir convocada.

Art. 53

Cumpetenzza da
decider

La cumissiun da quen e gestiun ei cumpetenta da concluder cura che dus commembers ein presents.

Art. 54

Rapports e
propostas

Il rapport sur dil quen annual ensemen cun sias remarclas e propostas ha la cumissiun da quen dad haver semtgau per mauns dalla radunonza communal mintg'onn sin la radunonza da rendiment da quen. Observaziuns sur da fatgs che corrispundan buca ad in' administraziun en uorden sco era survargadas da credits ein d'annunziar immediat al president communal.

D. IL CUSSEGL DA SCOLA

Art. 55

Convocaziun e
presidi

Il cussegl da scola vegn convocaus da siu president tenor basegns ni sin giavisch da silmeins dus commembers. Il president dil scolaesser presidiescha las sesidas.

Art. 56

Cumpetenz da
concluder

Il cussegl da scola ei cumpetents da concluder, cura che silmeins treis commembers ein presents.

E. LA CANZLIA COMMUNALA

Art. 57

Canzlia communal

La canzlia communal (canzlist communal) ha:

- a) D'administrar la contabilitad ed il quen communal.
- b) Da preparar ensemen cun la suprastonza communal il preventiv.
- c) Da menar la controlla da habitonts.
- d) Da menar ils protocols dalla radunonza communal e dallas sesidas dalla suprastonza communal e registrar tals.
- e) Da menar ha filiala dalla cassa da cumpensaziun (AVS).
- f) Da menar il post local dalla cassa da malsauns.
- g) D'administrar igl uorden da taglia communal.
- h) Da menar igl uffeci da lavur communal.
- i) Da liquidar ils fatgs da causecziun.
- j) Da menar il post local dil schurmetg civil.
- k) Da representar la vischnaunca l'Associaziun per serenar l'aua piarsa ASA Sablun.

F. PROTOCOLS DA VISCHNAUNCA

Art. 58

Prender investa

Dils protocols dalla radunonza communal ha scadin vischin il dretg da prender investa. Il prender investa dils protocols d'organs comunals ei lubiu a lur presidents, commembers, protocolists ed alla cumissiun da quen e gestiun. Extracts da protocols vegnan fatgs sin damonda, aschilunsch ch'ei sa vegnir prestau il mussament per in interess giustificau. La decisiun surlunder dat il president d'ina autoritad communal en damonda.

G. REDACZIUN D'ACTS D'IMPURTONZA

Art. 59

Acts impurtonts

Acts impurtonts, sco documents da concessiuns, contracts ligionts pli liung, renconuschientschas da deivets e.a.v. ein da signar cun il bul e da suttascriver dil president e digl actuar communal.

H. ORDINAZIUNS FINALAS

Art. 60


Entrada en vigur

Present reglament da fatschentas passa en vigur igl empren da schaner 2003 e remplazza tal dils 14 da november 1997 e tuts precedents. El vegn relaschaus sin fundament d'artechel 29 cefra 2 ed artechel 47 dalla constituziun communal, sco era tenor lescha davart igl exercezi dils dretgs politics el cantun Grischun dils 07-10-1962.

Aschia concludiu dalla radunonza communal dils 11 d'october 2002.

Per la vischnaunca da Rueun

Il president:



Josef Dietrich

Igl actuar:



Claudio Carigiet